
Марғилон шаҳрида “Анъанавий ҳунармандчилик, этно-дизайн ва тадбиркорлик” мавзусида миллий тренинглари давом этмоқда

Аввал хабар берганимиздек, Марғилон шаҳрида ЮНЕСКО томонидан ташкил этилган анъанавий ҳунармандчилик, тадбиркорлик ва дизайн бўйича республика тренинги бўлиб ўтмоқда.

Бугун тренинг доирасида шаҳардаги Марғилон ҳунармандчилигини ривожлантириш марказида моҳир ҳунарманд Расулжон Мирзааҳмедов бошчилигида табиий бўёқлар билан ишлаш ҳамда матога ранг бериш бўйича амалий машғулотлар ўтказилмоқда.

Табиий бўёқлар билан ишлаш ҳамда матога ранг бериш жараёниларида бевосита иштирок этаётган ҳунармандларнинг ҳайрати чексиз.

Анъанавий ҳунармандчилик ва тадбиркорлигини ривожлантириш ва иш ўринларини яратиш орқали аҳоли, жумладан, хотин-қизлар ва ёшларнинг турмуш даражасини ошириш мақсадида ташкил этилган тренинг машғулотларида республикамизнинг турли ҳудудларидан келган иштирокчилар ҳунармандчилик, тадбиркорлик ва дизайн соҳаларида ўз маҳоратларини ошириб, билим ва кўникмаларга эга бўлмоқдалар.

2024-04-03 13:55:33